

Ollo con Nigrán premia o talento artístico local na súa II edición

Repartíronse máis de 1.000 euros en premios para gastar no comercio local



Foto de familia dos premiados do certame. | // D.P. / D.P.

D.P. [Nigrán] 06 ABR 2024

Nigrán lanzou este ano a segunda edición do premio “Ollo con Nigrán”, un concurso vídeo literario creado por Teatro do Ar, Cooperativa Somos Terra e Concello coa intención de potenciar a creación artística en lingua galega ao tempo que divulga a gran riqueza natural do municipio.

Presentáronse 29 vídeos creados por máis de 50 persoas, e máis dun cento de persoas coñeceron aos finalistas nunha gala que, nun auditorio completamente cheo, repartiu 13 premios e máis de 1.000 euros para gastar no comercio local.

O xurado, composto polo xornalista Julián González, a poeta e profesora de galego Ana Fernández, e a bióloga Josefa Fernández Rodríguez destacaron a “orixinalidade das propostas” e premiaron na categoría Estelas, para nenos e nenas de Nigrán nada no ano 2012 ou posteriores, a “Os protectores do bosque de Nigrán” cun accésit, a “Árbore das hippies” cun terceiro premio, a “As fadas de Nigrán” cun segundo e a “Os Gabbygatos en Nigrán” co primeiro.

Na categoría Lourido, para mozos e mozas de Nigrán nadas entre o ano 2006 e 2011, o accésit recibíuno “As gaivotas”, o terceiro premio foi para “Boas tardes, querido Nigrán”, o segundo para “Aquí son eu” e o primeiro para “Pegadas na area”.

E na categoría Monteferro, para persoas nadas antes do ano 2006, repartíronse dous accésit para “A miña praia” e “Nigrán, o corazón de todas as paisaxes”. O terceiro premio gañouno “Nigrán, quero pintarte”, o segundo “Beleza decadente” e o primeiro “Lembranza”.